



Peter Olsen
Inatsisartunut ilaasortaq, Inuit Ataqatigiit

**Qaasuitsup Kommuniani nunaminertamik atugassiineq aamma
pilersuinermi pisinnaasaqarneq pillugit § 37 naapertorlugu
apeqquteqaammut nr. 175/2017-imut akissut.**

12-07-2017
Suliap nr. 2017-15194

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Qaasuitsup Kommuniani nunaminertamik atugassiineq aamma pilersuinermi
pisinnaasaqarneq pillugu Inatsisartut suleriaasianni § 37 imm. 1 naapertorlugu
Naalakkersuisunut apeqquteqarputit. Apeqquteqaat suliassaqarfinni
akissuteqarfigineqartussatut innersuunneqarpoq.

- 1. Nukissiorfiit Qaasuitsup Kommuneata nunaqarfiini containerinut
ilisinissaminnut nunaminertamik qinnuteqarnikuunerpa? Akissut
naamiuppat: Qinnuteqarnissamut pilersaaruteqarpat?**
 - a. Containerimik 20 fod-itut angitigisumik ataatsimik
qerititsiviliinissamut atugassamik.**
 - b. Containerinik 20 fod-tut angitigisunik marlunnik
qerititsiviliinissamut atugassamik.**
 - c. Containerimik 40 fod-tut angitigisumik ataatsimik
qerititsiviliinissamut atugassamik.**
 - d. Containerinik 40 fod-tut angitigisunik marlunnik
qerititsiviliinissamut atugassamik.**

Akissut:

Nukissiorfiit pilersuisussaatitaaneranni innaallagissamik, imermik
kiassarnermullu tunisassiorneq pilersuinerlu pineqartunut ilaapput. Nukissiorfiit
akisussaaffeqarfiani qerititsiviit allallu aalisakkerivinnut tunngassuteqartut
pineqartunut ilaanngillat. Nukissiorfiit taamaalilluni containerinik
qerititsiviliinissamut nunaminertamik atugassinneqarnissamik
qinnuteqarsimangilaq, tassami tamanna aalisakkeriviit nammineerlutik
isumagisassarimmassuk. Taamaattoq nunami aalisakkerivimmik Nukissiorfiit
pilersuiffiannit pilersuiffigineqartussatut naatsorsuutigineqartumik
pilersitsinissaq imaluunniit allilerinissaq kissaatigineqarpat, aalisakkerivik
siunissami innaallagissamik imermillu atuinissamut pilersaarutinik
saqqummiussilluni, aalisakkerivik Nukissiorfinnut allakkatigut qinnuteqaammik
nassiussissaaq. Qinnuteqaatinut taamaattunut atatillugu aalisakkerivik

aammattaq containerinik qerititsiviliinissamut nunaminertamik atugassinneqarnissamik qinnuteqarpat, tamanna pissusissamisuusaaq.

Aalisakkerivimmik illoqarfimmi imaluunniit nunaqarfimmi containerimik qerititsivimmik atassusiinissamik kissaateqartoqarnera pillugu Qaasuitsup Kommuniiani pisortatigoortumik allakkatigut qinnuteqaammik Nukissiorfiit 2017-imi tigusaqarsimangillat. Kisiannili assersuutigalugu Akunnaani, Ukkusissani, Nuussuarmi aamma Tasiusami containerinik qerititsiviliisinaaneq pillugu arlallit saaffiginnissuteqarsimapput. Taamaattoq tamanna imatut paasineqanngilaq, aalisakkerivik pisinnaasaqarnernik annertusititsinissamik ersarissumik aalajangersimasoq.

Innaallagissamik imermillu pisariaqartitsinerup annertusinera pillugu Nukissiorfinnut qinnuteqarnermi, aalisakkeriviup allilerneqarnera imaluunniit nutaamik pilersitsinissaq pineqarnersoq apeqqutaatinnagu, atugassarititaasut assigiit malinneqartussaapput.

- 2. Qaasuitsup Kommuneata nunaqarfiini sorlarni nukissiorfiit nukissamik naammattumik pilersitsisinnaappat aamma sorlarni nukimmik naammattumik pilersitsisinnaangillat:**
 - a. Containerimik 20 fod-itut angitigisumik ataatsimik qerititsiviliisoqassagaluarpat?**
 - b. Containerinik 20 fod-tut angitigisunik marlunnik qerititsiviliisoqassagaluarpat?**
 - c. Containerimik 40 fod-itut angitigisumik ataatsimik qerititsiviliisoqassagaluarpat?**
 - d. Containerinik 40 fod-tut angitigisunik marlunnik qerititsiviliisoqassagaluarpat?**

Akissut:

Nukissiorfiit naliliipput, kommunimi sumiluunniit containerinut qerititsivinnut pilersuinissamut pisinnaasanik atunngitsoqartoq, imaluunniit piffissap sivikitsup iluani tamanna pilersinneqarsinnaasoq. Kisiannili Nukissiorfiit paasissutissinneqarnissaat aammalu aalisakkeriviup qinnuteqaataanik piffissap ingerlanerani sapinngisamik siusissukkut nassiussivigineqarnissaat, aalajangiisuulluinnartumik pingaaruteqarpoq. Taamaaliornikkut suliniutissatut kissaatigineqartut piviusunngortinnissaannut immaqalu aamma atuinerulernissamut atatillugu aningaasaliinissanut tunngavissiisoqarsinnaassaaq. Nukissiorfiit angallattakkanik sillimmataasussamik atugassaqaarnera killeqarpoq. Taamaattoq taakkua kommunimi pisortatigoortumik akuersissuteqartoqareernerata kingorna aatsaat ikkussorneqarsinnaassapput (nunaminertamik qinnuteqarnerneq immaqalu aamma avatangiisinut akuersissut).

Illoqarfinni nunaqarfinnilu annikitsuinnarnik pilersuineranut attaveqartuni containerinik qerititsivinnik attaviliinermi, sarfamik containerip qerititsiviup aallartinnermini atortagaanut tunngatillugu killilersuisoqarpoq, taamaattumik containeri qerititsivik arriitsumik aallartitsissummik imaluunniit maligaasanut allangortitsissummik atortoqartinneqartussaavoq.

Nunaqarfimmi aalisakkeriviup allilerneqarnerani, maannakkut ikummatissanut tankit atorneqartut imaqqortussusaat Nukissiorfiit misissortariaqalissavaat, ilanngullugu pilersueqqinnissamut periarfissaq.

- 3. Qaasuitsup Kommuneata nunaqarfiinni 20 fod-tut aamma 40 fod-tut angitigisunik contarinerinik marlunnik qerititsiviliinissamut nukissiorfiit nukissamik naammattumik pigisaqanngitsut naammattumik nukimmik pilersitsisinnaalersinneqassappata taava tamanna qanoq naleqassava? Nukimmik pilersitsisinnaanerit annertusarneqassappat tamanna nunaqarfinni ataasiakkaani qanoq naleqassava?**

Akissut:

Nunaqarfinni pisinnaasassanik, aalisakkerivimmuq toqqaannartumik atasunik, allilerinermut atatillugu, aalisakkerivik attaviliinermut akitsuummik akiliisarpoq, Nukissiorfiit allilerineq pissutigalugu aningaasartuutaattut annertussuseqartumik. Tamatumani siunertaavoq atuisut ataasiakkaat innaallagissamut akigititanut tunngatillugu akiligassinneqannginnissaat.

Containerinik qerititsivinnik atassusiinermi, pitsaanerpaamik pisoqarpat, taamaallaat innaallagissamut ikkuffissaq ikkunneqartussaavoq. Nukissiorfiit 30.000-50.000 koruunit akornanni akeqassasoq naliliipput.

Generatorit pisinnaasaannik annertusititsinissaq pisariaqalissappat, generatorimik allamik pissarsilluni, ataatsimut katillugu 450.000-500.000 koruunit missaannik akeqassaaq.


Aningaasartuutit matuma siuliani allassimasut, attaviliinermut akiliuteqarnermi aalisakkerivimmuq nammakkersuissapput.

Tamatuma saniatigut ukiuunerani pisariaqartitsinermut naammattumik ikummatissaqarnissaq qulakkeerniarlugu, ikummatissanut tankimik sulii allamik tankiliinissaq pisariaqartinneqarsinnaavoq. 500.000 koruunit missaanni akeqassasoq naliliisoqarpoq.

Generatorimik allamik pisinnaasaqarnerit ilaneqarnissaat pisariaqartinneqarpat, kisianni maannakkut innaallagissiorfimmi inissaqarani, nutaamik

innaallagissiorfiliornissaq imaluunniit pioreersup allilerneqarnissaa
pisariaqartinneqalersinnaavoq. Allilerineq 1.000.000-2.000.000 kr. akornanni
akeqassasoq aammalu nutaamik sananissaq 4.000.000-5.000.000 kr. akornanni
akeqassasoq naliliisoqarpoq. Taamatut pisoqarnerani nunaqarfimmi
containerimik aaqiissuteqarallartoqarsinnaavoq. Nutaamik
innaallagissiorfiliorneq minnerpaamik ukiumik ataatsimik
sivisussuseqarajuppoq.

Inussiarnersumik inuulluaqqusillunga



Hans Enoksen